

Paket ključnih ekonomskih reformi može podići životni standard u BiH

OHR pozdravlja početak primjene sistema PDV-a u Bosni i Hercegovini od 1. siječnja 2006. godine. Uvođenje PDV-a je ključni preduvjet za dalju integraciju BiH u Europu, ali isto tako je bitno naglasiti da on građanima BiH može donijeti stvarne koristi i to mnogo prije nego puno članstvo u EU postane realnost.

Sistem PDV-a koji je usvojen u BiH povećati će javne prihode, koji se mogu usmjeriti na unapređenje socijalnih usluga. On će otežati utaju poreza, što će ići na ruku poduzećima koja posluju zakonito, a pomoći će i u smanjenju korupcije koja je tako nepoželjan dio života u BiH. I konačno, potencijalni investitori će ozbiljno razmisliti o ulaganju u poslove u BiH, na taj način stvarajući nova radna mjesta.

PDV je dio šireg paketa reformi koje će pomoći u privlačenju investicija. Jedinstvena carinska služba i uspješna uspostava jedinstvenog računa već su zaustavili odliv prihoda čime se odlikovao stari fragmentirani carinski sistem. Putem efikasne revizije i paketa nedavno donesenih zakona podižu se standardi upravljanja javnim poduzećima; registracija poduzeća je racionalizirana; banke počinju usmjeravati sredstva u mala i srednja poduzeća, koja sve više obećavaju. Ovo su samo neka od poboljšanja do kojih je u skoroj prošlosti došlo u poslovnoj klimi BiH. Sva ova poboljšanja imaju jedan cilj – podići životni standard. A sa uvođenjem temeljnih ekonomskih zakona u 2006. godini, uključujući Zakon o obligacijama, i centralizacijom sistema nadzora nad bankama, ove reforme će stvoriti pravu klimu u BiH u kojoj će se pokrenuti značajna poboljšanja u ekonomiji.

Promjene nisu lake. Uvođenje PDV-a je velika promjena. Za nju su bili potrebni veliki politički i administrativni naponi u svakoj zemlji u kojoj je uveden, ali ti naponi su se isplatili zbog postavljanja javnih finansija na pravičnu i efikasnu osnovu. Gledano dugoročno, PDV predstavlja značajan podstrek ekonomskim izgledima BiH.